

M U R D H A C I T A.

OM SWASTI ASTU NAMA SIDEM.

Pakulun Paduka Hyang mami Sang Hyang Perama Wiṣeṣa
make uriping buana kabeh meraga Sang Hyang sangkan paran
Hulun Kerama Desa Sedang wetu sakan g manah susrusa Mirmala
tan patcletch ngewangun awig-awig make titi pengancan ngungsi
sukertaning Desa Pekraman. Kesama kena ulun didina tan keneng
upedrawa de Paduka Betara Asung Kerta Lugraha Meraga Sang -
Hyang Pasupati, maka uriping awig-awig iki didine ngewetu aken
manah sagilik - saguluk salunglung sebayan baka paras - paros
ketekeng wahya diatmika.

Til hita kerana muang catur deresta pinaka uger - uger
awig-awig iki kepah mekadi Sad Warga saha pawos-pawos nyane
ngewetu aken Kertha sema muang sema' dresta.

OM SANTI SANTI SANTI OM.

DAGING AWIG-AWIG DESA ADAT SEDANG

SARGA : I

ARAN LAN WIEWIDANGAN DESA.

Halaman

Palet 1. Pawos : 1. Aran lan wewidangan Desa 1.

SARGA : II

PETITIS LAN PAMIKUKUH.

Pawos : 2. Petitis lan Pamikukuh 1.
Pawos : 3. Petitis Desa 1

SARGA : III

TATA PEKRAMAN.

Palet : 1. Pawos : 4. Sang jumenek ring Desa Sedang. 2.
Pawos : 5. Pawilangan Krama. 2.
Pawos : 6. Ngeranjing dados krama. 2.
Pawos : 7. Darmaning Krama. 3.
Pawos : 8. Pewenang krama. 3.
Pawos : 9. Panumayan tedun ngawitin ngeranjing
dados krama. 3.
Pawos : 10. Ayah kalih urunan. 3.
Pawos : 11. Ayah kalih urunan batu. 3.
Pawos : 12. Luput Ayah. 4.
Pawos : 13. Krama dados mepuwangkid, masusukan,
kalah numbas ayah. 4.
Pawos : 14. Wusan dados krama. 4.
Pawos : 15. Sang wusan mekrama patut. 4.
Palet: 2. Pawos : 16. Indik parajuru Desa. 4.
Pawos : 17. Kelian Desa Adat kesanggra antuk.. 5.
Pawos : 18. Swadarmaning Kelian Desa Adat, miwah
Klian Banjar Adat. 5.
Pawos : 19. Petias utawi olih-olihan para juru
Desa. 5.
Pawos : 20. Parajuru Desa kagentosin. 6.
Palet : 3. Pawos : 21. Indik Kulkul. 6.
Pawos : 22. Tata Tatepakan. 6.
Pawos : 23. Kulkul Katepak. 7.
Pawos : 24. Kulkul Katepak sangkanan tan gumanti 7.
Palet : 4. Pawos : 25. Indik Parum. 7.
Pawos : 26. Tata titi parum. 7
Pawos : 27. Paruman kekawitin. 7.

	Pawos : 28.	Keputusan sinanggeh sah.....	7.
Palet: 5.	Pawos : 29.	Indik druwen Desa.....	8.
	Pawos : 30.	Paupon-upon laba.....	8.
Palet :6.		Sukerta lan pamitegep.....	8.
Kaping : 1	Pawos : 31.	Karang lan tegal.....	8.
	Pawos : 32.	Tan wenang.....	9.
Kaping : 2.	Pawos : 33.	Pepayonan.....	10.
Kaping : 3.	Pawos : 34.	Wewangunan.....	11.
Kaping : 4.	Pawos : 35.	Wewalungan.....	11.
	Pawos : 36.	Tata cara naban.....	11.
	Pawos : 37.	Paolih-olihan naban.....	12.
Kaping :5.	Pawos : 38.	Bhaya.....	12.
Kaping :6.	Pawos : 39.	Maling lan rerusakan.....	12.
	Pawos : 40.	Papah-pahan dddendan.....	13.

SARGA : IV.

SUKERTA TATA AGAMA.

Palet : 1.	Pawos : 41.	Indik Dewa Yadnya.....	13.
	Pawos : 42.	Rerainan agung.....	13.
	Pawos : 43.	Memenjor.....	14.
	Pawos : 44.	Rahina Kala rau miwah buta mangsa tan wenang tawur kesanga.....	14.
Palet : 2.	Pawos : 45.	Ngenaning Pemangku.....	14.
	Pawos : 46.	Darmaning Pemangku.....	14.
	Pawos : 47.	Pikolih pituas Pemangku.....	15.
	Pawos : 48.	Pemangku kagentosin.....	15.
Palet : 3.	Pawos : 49.	Cuntaka/sebel.....	15.
	Pawos : 50.	Suwennye ngambil sebel.....	15.
	Pawos : 51.	Tan keneng cuntaka wetu sakeng kelayu sekar/ kematian.....	16.
Palet : 4.	Pawos : 52.	Sukertaning khayangan.....	16.
	Pawos : 53.	Munggah ring bebataran/pelinggih ..	17.
	Pawos : 54.	Khayangan kehanan durmanggala.....	17.
	Pawos : 55.	Khayangan kecemerin.....	17.
Palet : 1.	Pawos : 56.	Indik Resi. Yadnya.....	18.
Palet : 1.	Pawos : 57.	Indik Pitra Yadnya.....	18.
	Pawos : 58.	Suwedarmaning sang kehanan kematian	18.
	Pawos : 59.	Pemargin mendem/ngeseng.....	19.
	Pawos : 60.	Ngelangkar watang.....	19.
	Pawos : 61.	Sawa tan wenang inepan, tabib.tan.. keni larangan pawos:60 angka 1.....	19.
	Pawos : 62.	Penanjung batu.....	19.
	Pawos : 63.	Tata kertaning ring setra.....	19.
	Pawos : 64.	Ngulah pati salah pati.....	19.
	Pawos : 65.	Pengabenan.....	20.

Pawos : 66. Urutan pemargin pengabenan..... 20.
 Pawos : 67. Darmaning krama Banjar..... 20.
 Palet:1. Pawos : 68. Indik Manusa yadnya..... 20.
 Palet:1. Pawos : 69. Indik Buta Yadnya..... 21.
 Pawos : 70. Tawur kesanga..... 21.

SARGA : V

SUKERTA TATA PAWONGAN.

Palet : 1. Pawos : 71. Pawiwahan..... 22.
 Pawos : 72. Pengambilan miwah sanggama lan patut 23.
 Pawos : 73. Anaking setri lanji/bebinjat..... 23.
 Pawos : 74. Manak buncing..... 23.
 Pawos : 75. Pawiwahan manggeh syah..... 24.
 Pawos : 76. Pawiwahan silih tunggil tan rauh.... 24.
 Pawos : 77. Asuwamundung lan alangkahe karang ulu 24.
 Pawos : 78. Tata cara perabian nganutin papinangan²⁴.
 Pawos : 79. Tata cara merabian nganutin ngelaya
 ngerorod..... 25.
 Pawos : 80. Tata caraning perabian nyeburin..... 25.
 Palet : 2. Pawos : 81. Indik nyapian..... 26.
 Pawos : 82. Tata caraning palas merabian..... 26.
 Pawos : 83. Kebo nguluin kandang..... 27.
 Pawos : 84. Palas adung malih..... 27.
 Pawos : 85. Swadarmaning balu..... 27.
 Pawos : 86. Balu tan pageh..... 28.
 Pawos : 87. Balu sentana rajeg..... 28.
 Palet : 3. Pawos : 88. Indik sentana..... 28.
 Pawos : 89. Ngangkat sentana 28.
 Pawos : 90. Paperasan sinanggeh syah..... 28.
 Pawos : 91. Sane tan patut keperas..... 29.
 Pawos : 92. Indik warisan..... 29.
 Pawos : 93. Sane kebawos ahli waris..... 29.
 Pawos : 94. Darmaning wqris..... 29.
 Pawos : 95. Wewarisan sane tan dados pah/keedum
 wiyadin keadol..... 29.
 Palet : 1. Pawos : - Wicara lan pamidanda..... 30.
 Pawos : 96. Indik wicara..... 30.
 Pawos : 97. Indik Pamidanda..... 30.
 Pawos : 98. Lintangin ring panumaya..... 30.
 Pawos : 99. Sane tan dados kerampag..... 31.

SARGA : VI

NGUWAH NGUWUHIN AWIG-AWIG.

Palet : 1. Pawos : 100. Nguwah-nguwuhin awig-awig..... 31.
 Pawos : 101. Pemuput..... 32.

S A R G A I
ARAN LAN WEWIDANGAN DESA.

Pawos : 1.

Wewidangan kalih wewidangan Banjar.

1. Desa Adat Puniki mewasta Desa Adat Sedang.
2. Jimbar wewidangan mewates nyatur luwira :
 - a. Sisi watan Kabuoatan Gianyar.
 - b. Sisi kidul Desa Adat Kekeran miwah Desa Angantaka.
 - c. Sisi kulon Desa Sibangkaja lan Sibangede.
 - d. Sisi lor Desa Tingas miwah Desa Sigaran.
3. Desa Adat Puniki kewangun antuk karang ayahan Desa, kepah dados enam Banjar Adat luwiripun :
 - a. Banjar Adat Sedang.
 - b. Banjar Adat Sigaran.
 - c. Banjar Adat Kuripan.
 - d. Banjar Adat Tengah.
 - e. Banjar Adat Ratih.
 - f. Banjar Adat Aseman.
4. Wewidangan Palemahan Banjar suwang-suwang kemanggihan antuk paruman Banjar.
5. Banjar wenang kepah dados tempekan-tempekan merupa daga/ teruna muwah sane sios-siosan manut kawigunanipun.
6. Banjar wenang ngardi awig-awig, sane meuger-uger antuk awig-awig Desa kalih tan wenang maimpas / tungkas saking Peraturan Pemerintah.
7. Banjar patut madruwe peranti mekadi Balai Banjar, Pura Melanting lan Balai Kulkul.

S A R G A II
PETITIS LAN PAMIKUKUH.

Pawos : 2.

Desa Sedang ngemanggihan :

1. Desa Sedang puniki ngemanggihan lan pamikukuh antuk/ mekadi :
 - a. Pancasila.
 - b. Undang-undang Dasar Tahun 1945 Pamekas Pasal 18.
 - c. Tri Hita karana manut tatuwaning bhuana agung.

Pawos : 3.

P e t i t i s D e s a .

Petitiss Desa Puniki luwira :

1. Mekukuhang miwah ngerajegang Sang Hyang Agama.
2. Ngingilang Perawertining Agama Hindu.
3. Ngerajegang Sukertaning Desa saha Pamongannya sekala lawan niskala.
4. Nincepang Pengeweruh, kesusilan lan pengupa jiwa.

S A R G A III.

TATA PEKRAMAN.

Palet : 1.

Pawos : 4.

Sang jumenek ring Desa Sedang.

1. Sehananing sang jumenek mapumahan ring wewidangan Desa Sedang sinanggeh wong Desa Sedang.
2. Sane kebawos Krama, wong Desa sane meagama Hindu, naggap - wiyadin kakuwub/ nempel sejeroning Karang Desa.
3. Sejaba punika angka 2 ring ajeng sinanggeh tamu.

Pawos : 5.

Pawilangan Krama.

Krama wenten 4 soroh bebacakan ipun kadi ring sor luwure :

1. Krama ngarep wong Desa sane naggap Karang Desa.
2. Krama penyade wong Desa sane wenten dedandanan waris saking krama ngarep.
3. Krama paron wong Desa sane sampun madruwe tanah wiyadin Karang paumahan tur sampun madruwe Merajan wiyadin sanggah sekirang - kirang ipun penyawangan.
4. Karma Pengele wong Desa sane saking dure Desa kakuwub/ nempel ring Krama ngarep.
5. Tamu manut perarem.

Pawos : 6.

Ngeranjing Dados Krama.

Ngeranjing Dados Krama kadi ring sor :

1. Sangkaning Pinunas.
2. Sangkaning ngamong Karang D^Lsa.
3. Sangkaning Pawiwahan.
4. Sangkaning sampun madruwe tanah, tur sampun ngewangun paumahan wiyadin Madruwe Merajan/ sanggah sekirang- kirang ipun penyawangan.

Pawos : 7.

Darmaning Krama/ Tamiu.

- Darmaning Krama/ Tamiu kadi ring sor luwire :
1. Nyedjrang saha tinut ring daging awig-awig :
 2. Bakti kalih setindih ring D_esa.
 3. Natak tis, panes merupa ayah, urunan merupa arta Berana ngardi kebecikan Desane sekala niskala.
 4. Darmaning Tamiu kadi ring sor :
 - a. Nyage sukertaning D_esa.
 - b. Nyage keresikan Desa.
 - c. Ketunasin dana punia agung alit manut pararem.
 - d. Kaicen pasayuban rikala kahananing pance baya.

Pawos : 8.

Wewenang Krama.

Polih pasayuban kalih kasukertan rikalaning kahanan Pance baya, kaunggahang sajeroning awig-awig, Pararem Desa/Sadjar sane merupa penyacah awig-awig Desa puniki.

Pawos : 9.

Panumayan Tedun Ngawitin Ngeranjing Dados Krama.

Ngawitin tedun ngeranjing dados krama risampune jumenek tigang sasih ring Desa Pekraman.

Pawos : 10.

Ayah Kalih Urunan.

1. Krama ngarep wewang ngemedalan ayah kalih urunan mepek.
2. Krama manut Pawos 5 (2,3,4) Ayah kalih urunan kemanggahan manut putusan perarem D_esa.
3. Sejabanin punika daha wiyadin teruna patut ngayah manut ka-wigunan.

Pawos : 11.

Ayah Kalih Urunan Balu.

1. Bebacakan Balu wenten kalih Pawos luwire :
 - a. Balu ngelintik.
 - b. Balu ngempu.
2. Balu ngelintik tegesipun (balu tan maduwe ayah penyade wiyadin ayah pengele, keni ayah aterige/ asibak yang ipun balu luh keni ayah luh kewanten. Asapunika taler balu muani keni ayah muani kewanten urunan keni mepek.
3. Balu ngempu teges ipun balu maduwe ayah, penyade wiyadin pengele manut Pawos 5 balu inucap patus keni ayah kalih urunan mepek.

Pawos : 12.

Luput Ayah.

1. Sane luput ayah Pardjuru manut pawos 16, Pemangku manut pawos 46 selaminnye dados Pemangku kalih Parejuru.
2. Warga Desa sane wawu nanggap karang polih luput sekirang-kirang ipun tigang sasih kalih selamin- laminne tigang sasih nyantos panumayan sasila tedun manut pawos 9 angka 1.
3. Warga Desane sane kainggilan linggihnye manut kawigunan.

Pawos : 13.

Krama Dados Mapuangkid, Mesusukan, Kalih nébas Ayah.

1. Kengin mapuangkid, seहतुकun sungkan, matepetin, kaluwasan.
2. Laminnye mapuangkid kasuksare iparajuru nganutin babuat nyane.
3. Kengin masusukan seहतुकun pengayah wiyadin krama sampun ma - yusa 60 tahun, kalih sungkan- sungkanan tur sane wenang nyuk - sukin sane sampun sinanggeh daha teruna.
4. Kengin numbas ayah, wireh arang wenten ring purinnye, mekadi dados Parayogya (Pegawai) miwah sane lian- lianan sane ke - pekayun patut antuk ikrama agung/alit jinahne kerajegan manut putusan pararem.

Pawos : 14.

Wusan Dados Krama.

Wusan dados Krama sangkaning :

1. Pinunas ngerage, menawi kesah ke dure negara kalih sane sios- siosan.
2. Kaonaran duwaning sampun tan peresida ngesehin maprewerti se - late ngawe biota.

Pawos : 15.

Sang Wusan Mekrama Patut.:

1. Yan ayah ngarep, patut ngaturang karang ayahanne ke Desa tan polih pah- pahan padruwen Desa.

Palet : 2.

Pawos : 16

Indik Parajuru Desa.

1. Desa Sedang puniki kaenterang antuk Kelian Desa Adat.
2. Banjar kaenterang antuk Kelian Banjar Adat.
3. Kelian Desa Adat wiyadin Kelian Banjar Adat patut mawiwit sakeng Krama ngarep.
4. Kelian Desa Adat patut keadegan sekirang- kirang ipun limang warsa tur kengin kapilih malih.

5. Kelian Banjar Adat keadegan sekirang - kirang ipun limang Warsa tur kengin kapilih malih.
6. Ngawitin keadegan patut ngaturan Dewa Saksi ring Pura Desa/ Balai Agung.

Pawos : 17.

Kelian Desa Adat Kesanggara antuk :

1. Petajuh utawi pangliman Pinaka Wakil.
2. Penyarikan pinaka Juru Tulis.
3. Patengen miwah sios- siosan manut kawigunan ipun.
4. Sejeroning Banjar kaenterang antuk Kelian Banjar Adat Pinaka Penampa Kelian Desa Adat akeh kidik Parajuru Banjar Adat manut kawigunan ipun.
5. Kasinoman akehnye manut kawigunan.

Pawos : 18.

Suwedarmaning Kelian Desa Adat, Miwah Kelian Banjar Adat luwire

1. Ngenterang sedaging awig- awig miwah putusan pararem.
2. Nuntun kalih ngenterang Krana rauh warga Desane ngupadi petitis Pawos : 3.
3. Maosin kalih niwakang pamutus wicara luwire :
Yan sang mawicara sami-sami sajeroning Banjar, wenang Kelian Banjar Adat nguwehan pamutus, asapunika taler yan sang mawicara sami- sami sajeroning Desa wenang Kelian Desa Adat niwakang pamutus.
4. Parade sang mawicara tan cumpu ring pamutus Kelian Banjar Adat wiyadin Desa Adat, wicara inucap patut kelanturang ring sang - rumawos mekadi Kelian Dinas miwah Kepala Desa/ Lurah.
5. Kelian Desa wiyadin Kelian Banjar Adat rikale maosin wicara kesanggara olih sekirang- kirangnye duwang diri seakeh-akeh ipun petang diri merupa anggota kerta Desa.
6. Anggota utawi penyanggera ring ajeng kejudi antuk Kelian Desa wiyadin Kelian Banjar Adat Pinaka penuwe kerta Desa inucap.
7. Wicara sane wenang kebawosin/ kewehin pamutus iwong Desa sane nungkasin daging awig-awig kalih pararem.

Pawos : 19.

Petuwas Utawi olih-olihan Para Juru Desa.

1. Luput papeson kalih ayah.
2. Polih upon-upon pecatu/ laba carik/ tegal pah-pahan manut putusan pararem.
3. Polih wastra arangsukan nyaberan Kesanga.
4. Kalih sane sios-siosan manut Pararem.

Pawos : 20.

Para Juru Kagentosin.

1. Seda wiyadin mati.
2. Seantukan sampun panumayanipun manut palet 2 Pawos 16 angka 4.
3. Wit sangkaning pinunas.
4. Kaonarang seantukan nilar sesana.
5. Ngonarang Para Juru/ ngentosin patut sajeronin paruman tur ka-
ingkupan antuk Ikrama.

Palet, 3.

Pawos : 21.

Indik Kulkul.

1. Ring wewidangan Desa Sedang wenten kulkul tigang soroh luwire :
 - a. Kulkul Pura/ Pajenengan.
 - b. Kulkul Banjar.
 - c. Kulkul Seka.
2. Kulkul wenang angge pengasri yadnya miwah tatenger midadabin
Kramannyane suwang-suwang manut dadudonan tatepakan pawos 22.
3. Kulkul Pura/ Pajenengan katepak rikalaning Dewa Yadnya.

Pawos : 22.

Tata Tatepakan.

1. Kulkul Pajenengan Desa, Banjar Sekehe tabuh tatepakan kadi ring sor :
2. Kulkul Pura/ Pajenengan katepak rikalaning wenten Dewa Yadnya pina-
ke pengastan Yadnya, tatepakannye nung ting.
3. Mekarya miwah paum, ngambat.
4. Rare embas/ medal, limang kelentungan.
5. Kelayu sekar wiyadin padem, tigang kelentungan ngambat.
6. Ngerangkat/ kecalang, dahanung ting.
7. Pamuput pangaskaran pawiwahan, pemerasan, palas merabian(mulih
daha) ngambat metambah tigang kelentungan.
8. Kemalingan / Kecalan bulus atulud.
9. Ketiben keni baya bulus atulud ketambah ngambat panjang suwennye
selamin lima menit.
10. Pelegendangan bulus kalih tulud.
11. Kebaak, keamuk, sehananing baya pati, bulus tigang tulud.
Yan wenten tatepakan manut angka 1 ring ajeng patut suwaran kul-
kulu paha katanggurin antuk kulkul suwang-suwang Banjar.
12. Ngembak ngambat.

Pawos : 23.

Kukul Katepak.

1. Kukul Desa utawi Banjar katepak sangkaning pituduh Parajuru Desa wiyadin Banjar.
2. Sang nepak kukul sangkaning baye, patut digelis supeksa ring Parajuru.
3. Kerama Desa/ Banjar patut nedunin suwaran kukul makte peranti manut tatengeran sahe lumaksana katuntun antuk Parajuru.
4. Suwaran Kukul tatengeran baye katedunin antuk Krama sami langgipun.

Pawos : 24.

Kukul Katepak Sangkaning Tan Gumanti.

Yan wenten jatma nepak kukul sangkaning manah iseng/ tan gumanti manut Pawos 22 angka : 2,3,4,5,6,7,8,9,10,11,12, keni jatma ika kadandec agung /alit manut Pararem.

P a l e t : 4

Pawos : 25.

Indik Parum.

Paruman ring Desa Sedang kemargiang kadi ring sor :

1. Paruman nadak seantukan wenten bebawos mabuat.
2. Paruman agung, limang warsa apisan, mabuat mawosan nguwah - nguwhin awig-awig miwah sane sios-siosan manut kawigunan.
3. Paruman ngenem saasih / ngenem bulan maosan druwen Desa miwah sane lian- lianan manut kawigunan ipun, ring Soma , Keliwon , Wuku Kuningan.
4. Paruman Banjar kawentenan asasih apisan katetepin ring rahina suwang-suwang Banjar.

Pawos : 26.

Tata Titi Parum.

1. Sang sane ngemiletin parum patut mabusana Adat/ mewastra lan nyelempot.
2. Rikalaning parum patut kawentenan cane sahe tuntutan ipun magenah ring ajeng sang rumawos, tur ngaturang piuning ring pebanti Balai Desa wiyadin Banjar mekadi ring melanting kalih ring kukul.

Pawos : 27.

Paruman Kekawitan.

Paruman peresida lumaksana yan sampun katedunin antuk ikrama lintangan ring atenga.

Pawos : 28.

Keputusan Sinanggeh Sah.

Keputusan paruman sinanggeh sah yan sampun kabungkem lintangan ring atenga.

Palet : 5.

Pawos : 29.

Indik Druwen Dgsa.

Padruwen Desa Sedang mekadi :

1. Khayangan Tiga mekadi Pura : Desa, Puseh, Dalem.
2. Pura Melanting, Demung.
3. Pura Prajapati.
4. Pura Beraban.
5. Biji kekalih.
6. Bale Desa.
7. Tanah Laba Pura.
8. Karang Ayahan/ PKD.
9. Barong Rentet, Barong Macan, Rangda kekalih.
10. Gong Semar Pagulingan abarung.
11. Setra kekalih.
12. L P D (Lembaga Perkreditan Desa) Sedang.

Pawos : 30.

Paupon - upon Laba.

1. Paupon- upon laba Pura kalih druwen Desa kaenteran antuk Parajuru Desa.
2. Pikalih lan upon-upon laba patut kaangge perebiya odalan, we - wangunan miwah sane sios- siosan manut kawigunan ipun.
3. Nyeberan sangkepan Desa Iparajuru sane ngemong druwen Desa patut nyiaran unjuk lunsur druwen Desane.
4. Sakeluwiring druwen Desa patut wenten ilikitan ipun.
5. Tan kalugra ngingsiran / ngicalan druwen Desa mekadi ngadol, ngalah-ngalah, ngediang yang tan polih panugrahan saking ikrama Desa.

Palet : 6.

Sukerta Lan Pawitegeg.

Kaping : 1.

Pawos : 31.

1. Sang ngemong karang paumahan/ panegalan patut kawentenan wates merupa tembok wiyadin pagahan.
2. Karang wiyadin penegalan patut magaleng kaluwanan estin ipun magaleng kaler wiyadin kangin. Sane ngardinin wates/ pewanengan patut sang madruwe karang wiyadin tegal ring tabenan/ sane ba - deloden wiyadin badauhan.
3. Yan wenten karang kebebeng patut iparajuru ngutsahayang wenten margi.

4. Yan wenten karang kaputungan wenang iparajuru Desa nibakang karang ika kepertama ring ikrama penyade, yan tan polih kab-tiba ring ikrama paron wiyadin ikrama pangele, pawos 5 (a,b, c & d.).
5. Yan wenten jatma ngentasen wangken manusa ring pekarangan / tegal anak sios wenang sang neruwenang sawa ika nyaruning/ meprayascita agung/ alit manut deresta, karang /tegal sane kaentasin. Pemargin caru/ pamarayascita ika kemaggiang ring genahe sane kehanan wangke pinih riya, tur sane kaentasin muput antuk tirta kewanten.
6. Yan wentenn jatma padem ring pekarangan / tegal anak sios wenang sang neruwenang sawa ika nyaruning/ merayascita genah punika agung/ alit manut deresta, nista, madya, manut pararem.
7. Yan wenten jatma padem tan wenten anak ngangkening sawa ika wenang iparajuru mesadok ring Pemerintah tur ngelantaran nanem sawa ika ring setra.

Pawos : 32.

Tan Wenang.

1. Tan wenang ngalah- ngalah karang, tegal, margi, genah sane sinanggeh suci mekadi kayangan, setra lan sapanunggilanipun.
2. Tan wenang ngembahan toya, wit toyan hujan, toyan wewalungan toyan pewaregan lan sapanunggilanipun kepekarangan anak sios.
3. Ngentungan lulu, wangken wewalungan, ring pekarangan/ panegalan margi anak sios.
4. Ngentungan tulang manusa ring pekarangan/ tegal anak sios.
5. Nunjel/ nanem wangken manusa yadiastu sawa keresian, nunjel/ nanem ring sawah, wiyadin tegal ring Desa Pekraman tan wenang yan tan polih kebebasan Krama Desa/ Subak.
6. Tan wenang makta tanah setra kepekarangan / tegal rikalaning ngendag sawa.
7. Yan wenten jatma manut angka 1,2,3,4,5,6 patut jatma inucap ngewaliang tanahe sane keambil, ngebet sane kependem, nyampatan sane keembahin, ngingsiran sane merupa lulu/ wangken wewalungan patut jatma ika kadande agung alit manut Pararem, sane nganin angka 1 genahe sane sinanggeh suci angka 5,6 sejawanin kedanda kadi ring ajeng patut kawehin antuk Parayascita/caru agung alit manut deresta kalih sastra agama.

Kaping : 2.

Pawos : 33.

Pepayonan.

1. Ngawitin narhem tanem tuwuh patut 2,25 meter/ depe agung sajeroning sakeng wates.
2. Yan wenten taru mentik sajeroning wates, yan wenten wicara patut taru ika kebah kebagi 3 (tiga) mekadi asiki ketiba ke Desa, kekalih ring sang neruwenang wates.
3. Yan wenten entik-entikan mekadi tiying, pisang, lan sapa-nunggilan ipun mentik ngelintangan wates wenang entik-entikan ketaban/ kedruwenang oleh sang sane madruwe karang sane keentikan.
4. Yan wenten wit taru ngungkulin kepisage, sang ngungkulin keberatan patut iparajuru Desa, Kelian Desa nibakang dadudonan kadi ring sor :
 - a. Sang neruwenang kayu ika notor/ nyepat gantungin kaicen te tempo selaminnye awuku.
 - b. Yan jantos lintangan ring sengker dereng kelaksanayang wenang iparajuru nibakang ring sang kataonin notor wiyadin ngebah kayu ika.
 - c. Sahang/ kayu ika patut katibe ring sang notor.
5. Yan wenten wit kayu kekayon mayanin kepisage/ iparajuru patut kadi ring sor :
 - a. Natasang genah ipun.
 - b. Yan sampun wiyakti kapakayun mayanin mekadi : wit ipun sanget sendeb, wit sampun ganjih, tede tatani bungkilnye umahin - semut, ipun sampun padem lan sapanunggulian ipun.
 - c. Iparajuru patut niwakin sang neruwenang wit taru ika ngebah manut pituduh parajuru.
 - d. Yan lintang kadi ring sengker dereng kelaksanayang wenang iparajuru nibakang ring sang keberatan ngebah kayu ika.
 - e. Wit kayu ika katiba ring sang ngebah.
6. Yan wenten taru mayanin kepisage luwire : wewangunan, wewalungin patut keganti rugi, yan mayanin manusa kantor ipun sakit patut keni biaya perawatan, yan jantos padem patut keni biaya upakara agung/alit manut pararem.
7. Yan wenten wit taru dereng wenten penyeken ring sang madruwe kayu raris kayu ika bah wiyadin empak melarapan ngenanin wewangunan anak lian sang madruwe kayu ika luput saking keiwangan.

8. Yan wenten jatme ngebah, notor, taru dereng wenten pasubayania ring sang sane nyanding, raris mayanin wewangunan patut sang notor/ ngebah kayu ika kedanda agung/ alit manut pararem, tur merayascita/ nyarunin genah sane kebyanin manut dresta.

Kaping : 3.

Pawos : 34.

Wewangunan.

1. Saluwiring wewangunan mangde kautsahayang mangda manutin kecap asta bumi miwah asta kosala kosali.
2. Yan wenten ngawitin ngewangun raris wewangunan ika ngelin - tangin wiyadin ngungkulin kapisaga mekadi cap-capan lan sapanunggilan ipun, sang keberatan patut melungguhang ring sang medruwe wewangunan ika, yan prade sang madruwe wewangunan ika memengkung, keni iparajuru Desa mekadi Kelian Desa nyepat gantungin, tur mangda sang madruwe wewangunan ika, mugar/ mongkar saha tan polih parabiya/ kepocolan.

Kaping : 4.

Pawos : 35.

Wewalungan.

1. Sehananan warga Desa sane memelihara wewalungan / ingon- ingon patut siaga nitenin, negul wiyadin ngandangin mangda tan nge -- rusak kepisaga, bilih-bilih ngeranjing ke Pura wiyadin ke Pemerajan.
2. Yaning wenten wewalungan leb/ melumbur/ ngerusak wiyadin poléh nede pamulan- mulan wenang sang neruwenang wewalungan ika kedanda agung/alit manut pararem. Sejawaning kedanda kadi ring ajeng, taler kasisipang mapengangan abianne sane keteda/ ke rusak agung alit ipun kaitung ring iparajuru Desa.
3. Yening wenten wewalungan ngeranjing kegenah suci, mekadi ke - Pura, Merajan lan sapanunggilan ipun yadiastu ketut uri, sang neruwenang wewalungan ika patut kedanda merayascita/ nyarunin genah sane keranjingin agung/ alit manut pararem kalih sastra dresta.
4. Yening wenten wewalungan / ingon- ingon ketaban metu padem tan sangkaning gumanti, tur wenten saksi, sang naban ika patut luput saking kaiwangan.
5. Nenten kedadosan ngangon ring padruwen Desa wiyadin ring pe - karangan anak tios.

Pawos : 36.

Tata Cara Naban.

1. Sang naban patut wenten sakirang- kirang ipun adiri, tur wenang wewalungan / ingon- ingon ika kategul/kededehang, kasa - wening antuk tetanduranne sane rusak saha peremangkin wewalungan ika kebaha ring iparajuru Desa.

2. Yan wenten wewalungan/ ingon-ingon ketaban jantos rahina (24 jam) nenten wenten sane ngangkenin patut wewalungan / ingon-ingon ika keatur ring Pemerintah.
3. Selamin wewalungan ika ketaban/ magenah ring iparajuru Desa patut wewalungan/ingon-ingon ika kapiare/ kawehin tede, tur kaitung agung/alit pengargan tatedan ipun antuk iparajuru Desa.
4. Sang neruwenang wewalungan / ingon-ingon ketaban sejawaning kedande manut pawos 35 angka 2, patut malih kawehin dadendan pengargan tatedannyanne manut angka 3.

Pawos : 37

Paolih- olihan Naban.

1. Dedandan tetabanan kebagi kalih kadi ring sor :
 - a. Asiki ketiba ring iparajuru Desa.
 - b. Asiki ketiba ring sang neruwenang abian.
2. Sejabaning paolih-olihan ring ajeng angka 1 sang neruwenang patut polih malih pengargan tetanduranne sane ketede/ rusak.

Kaping : 5.

Pawos : 38.

Baye :

1. Bebacakan panca baye luwira :
 - a. Geni baye (puwun).
 - b. Artha baye (kemalingan, kebaak lan sapenunggilan ipun).
 - c. Jiwa baye (keamuk lan sapenunggilan ipun).
 - d. Toya baye (ketiben blabur agung, keanyudan lan sapenunggilan ipun).
 - e. Setri baye (kepelegendang).
2. Asing- asing iwong Desa kehanan wiyadin manggihin sang kehanan baye kadi ring ajeng (a, b, c, d, e) patut nunas kanti nyuwarang kulkul manut palet 3 tetepakannye manut pawos 22.

Kaping : 6.

Pawos : 39.

Maling lan Rerusakan.

1. Yan wenten jatma memaling wiyadin ngerusak, sang melaksana kalih genahe sane kelaksanain sajeroning Banjar/ Desa Sedang yan ipun memaling/ ngerusak maorat/ mepengarge sajeroning Rp.15.000,00 (Lima belas ribu rupiah) sang memaling/ ngerusak wenang iparejuru mekadi kertha Desa nibakin denda nikel sekawit ping lima.

2. Yening barange magenah ring genahe sinanggeh suci mekadi ring Pura, penerajan lan sapanunggilan ipun sejawaning kedanda kadadi ring ajeng pawos 39 angka 1, patut sang memaling/ ngerusak ika keni pangaskara merupa nyarunin/ merayascita agung/ alit manut deresta miwah sastra agama.
3. Yan wenten wicara ring ajeng (angka 1) keputus antyk Peme-rintah mekadi Pengadilan Negeri lan sapanunggilan ipun, jatma nehaling/ sang ngerusak ika patut luput ring dadendan panikelan (angka 1), kewenten keni penerayascita angka 2.

Pawos : 40.

Pah - Bahan Dadendan/Panikelan.

Dadendan / panikelan patut dibagi 5 kadi ring sor :

- a. Sang naruwenang polih kalih duman.
- b. Iperajuru / sang mutusan polih aduman.
- c. Ring Banjar / Desa polih kali duman.

SARGA IV.

SEKERTA TATA AGAMA.

Palet : 1.

Pawos : 41

INDIK DEWA YADNYA.

1. Khayangan wiyadin / pelinggih- pelinggih sane kesungkeman antuk Krama Desa Adat Sedang luwir ipun :
 - a. Pura Desa / Balai Agung.
 - b. Pura Puseh / Biji Desa Adat Sedang.
 - c. Pura Dalem / Merajapati.
 - d. Pura Melanting / Demung.
2. Rahina Piodalan :
 - a. Pura Desa ring rahina Anggara Kasih Tambir.
 - b. Pura Puseh ring rahina Anggara Kasih Medangsia.
 - c. Pura Dalem / Merajapati ring rahina Suda Keliwon Pahang.
 - d. Pura Melanting, ring rahina Buda Keliwon Kelawu.
3. Pengaci ring Pura Khayangan Tiga yan tan kapialang tiban tengah Nadi sepisan ritat kala nemonin Purnama lan Tilem sejeronin Pura Khayangan Tiga lan Melanting patus Nadosan (Nadi) sejawaning patingan tios.

Pawos : 42.

Rerainan Agung.

Rerainan sane patut ikrama Desa ngaturan Puja Wali mekadi : Soma Ribek, Pager Wesi, Tumpek Landep, Sugian Jawa utawi Sugian Bali Galungan, Kuningan, Saraswati, Tumpek Kandang, Tumpek Atag, Purnama Ning Sasih kepitu miwah sapanunggilan ipun.

Pawos : 43.

Memenjor.

1. Ring rahina Buda Keliwon Dungulan (Galungan) patut memenjor ring lawang suwang-suwang pepeka saha upacaraipun, nancep penjor ring rahina Anggara uku Dungulan (Penampahan Galungan).
2. Yan wenten kacuntakan tan dados ngunggahang upacara sejeroning penjor.

Pawos : 44.

Rahina Kala Rau miwah Buta Mangca tan wenang Tawur Kesanga.

1. Jawaning wenten paetangan tiros.
Yan sasih kepitu uku Dungulan, asapunika taler anggara Wage uku Dungulan nuju Tilem, tan wenang ngagalung saantukan rahina punika kewastanin Kala Rau.
2. Yaning uku Dungulan sasih kesanga, rah 9 tenggek 9 , taler tan wenang ngagalung saantukan rahina punika kewastanin Buta Mangsa.
3. Yening Tilem Kesanga keanjekan uku Dungulan sebanen Buda Keliwon Pahang, tan wenang ngaturan tawur kesanga, melis patut ring Tileming kedasa nutug.

Palet : 2.

Pawos : 45.

P E M A N G K U.

1. Ring suwang-suwang Pura patut kawentenan Pemangku.
2. Ngadegan Pemangku manut dadudonan.
 - a. Nunas Pawuwus Widhi utawi Nyanjan.
 - b. Ngawilangan sakeng turunan utawi waris.
 - c. Pemilihan Ikrama Desa.
3. Tan wenang anggen Pemangku luwre :
 - a. Cedangga saking wawu medal, mekadi peceng, perot, cungh, sengkok, lan sapenunggilan ipun.
 - b. Kegeringan mekadi : sakit ila, ayan, Buduh, beseh, lan sapenunggilan ipun.
4. Perebiya ngadegan Pemangku mekadi pawintenan asapunika taler rikalaning padem/ seda patut katanggung ring ikrama Desa, manut pararem.
5. Yan wenten kelayu sekar/ padem ring jero/ umah Ipemangku wenang Pemangku ika Nyepuh nanging perebiyan ipun katanggung antuk ikrama Desa.

Pawos : 46.

Darmaning Pemangku.

1. Darmaning Pemangku kadi ring sor :
 - a. Nitening nuntun kesucian ring Khayangan.
 - b. Ngenterang. Upakara ring Khayangan kalih ikrama Desa suwang-suwang nganutin sesana.
2. Yan wenten sang mepenauran ping ajeng mangda mesadok ring iparajuru Desa wus punika wawu keantebang.
3. Penuurang yan merupa barang/ jinah punika sami dados deruwen Desa.
4. Pemangku Khayangan kawenangan ngerereh penyade yan kapialang.

Pawos : 47.

Pikolih/ Petiyas Pemangku.

1. Ipemangku polih luput ayah, pepeson kalih petiyas sios- siosan manut pararem.
2. Sarin canang mapah tiga kekalih Pemangku asiki ke Desa/ Peletan.

Pawos : 48.

Pemangku Kegentosin.

Pemangku kegentosin luwir ipun :

- a. Kelayuan/ lampus.
- b. Pinunas ngeraga, menawi sakit- sakitan lan sepanggungilan ipun.
- c. Kawusang manut keputusan seantukan nilar sesana, mekadi memaling, memitra lan sepanggungilan ipun.
- d. Yan wenten anak mebawos tan patut kadi nilar sesana patut kedanda/ merayascita manut pararem.

Palet : 3.

Pawos : 49.

Cuntaka/ Sebel.

Cuntaka/ sebel wenten kalih pawos luwire :

1. Cuntaka saking padewekan mekadi :
 - a. Ngeraja suwala.
 - b. Nganten dereng mebiyakala.
 - c. Rare dereng 42 dina (mecolongan).
 - d. Anaking setri lanji, dereng meprayascita.
2. Cuntaka/ saking kelayu sekar/ kematian.
3. Yan wenten sejeroning kacuntakan patut keprayascita antuk tirtan siwa.

Pawos : 50.

Suwennya Ngambil Sebel.

1. Cuntaka saking padewekan pengambil ipun kadi ring sor :
 - a. Sebel saking rajasuwala suwen ipun 3 dina.
 - b. Sebel saking madruwe putra suwen ipun 42 dina.
 - c. Sebel saking nganten suwen ipun selaminnya sedereng mabiyu kawon.

- d. Rare wawu mijil suwen ipun 42 dina.
 - e. Anaking setri lanji suwen ipun selaminnya dereng meprayascita.
2. Cuntaka sakeng Kelayu sekar/ kematian kadi ring sor :
- a. Yan sakeng semeton Banjar pengambilennya ngawit saking me-
suara kulkul kantos meprayascita pidadab ngambil kadi ring
sor :
 1. Yan pemupute makipsan ring pertiwi wiyadin ring geni
pengambil sebele sedereng pangutangan ngawit sakeng
pasuaran kulkul (kadi ring ajeng), kalih sesampune
pangutangan malih tigang dina.
 2. Yan meabenan : Nista madya Utama pengambil sebele nga-
witin masuara kulkul jantos pengutangan raris meprayas
cita (sebele ical).
 - b. Yan saking purusa suwen ipun sekirang- kirang ipun roras
rahina ngawit saking pengutanganne yan nedunin maweweh
malih selaminne nedunin.
 - c. Yan sakeng wadon suwen ipun sekirang-kirang ipun 7 dina
ngawit saking pangutanganne yan nedunin maweweh malih se-
laminnye nedunin.
 - d. Yan ngarepin kantong sejeronin karang paumahan suwen ipun
42 dina ngawit sakeng pangutanganne maweweh malih selamin-
ne wangkene kantong jumah ipun.

Pawos : 51

Tan Keneng Cuntaka Wetu Sakeng Kelayu Sekar (Kematian)

Sane tan keneng cuntaka mekadi :

- a. Sang sampun meraga putus mekadi Ida Sang Pandita, Kalih Pe-
mangku.
- b. Rikalaning ngaturang Dewa Yadnya sampun mapangalang sasih.
- c. Bebanten wiyadin upatara sampun munggah.
- d. Sameton Banjar tan keneng sebel sedereng kulkul masuara pawos
22 angka 5.
- e. Parajuru Desa, Tukang banten, sekehe Gong.

Palet : 4.

Pawos : 52.

Sukertaning Khayangan.

Tan kelugra ngeranjing sajeroning Pura mekadi :

1. Sang kahananing cuntaka pawos 49, 50, 74.
2. Makta barang sane sinanggeh leteh.
3. Sato ageng.
4. Wong dure desa/ sios desa, yan tan polih panugrahan ring
iparajuru Desa

5. Yan wenten jatma ketapak/ kerauhan, patut kapintonin mekadi kelamesan toya, ketunjel lan sapanunggilan ipun. Yan ipun belus puwun lan sapanunggilan ipun, tan wenang jatma ika kegugonin, wenang jatma ika kedanda manut pawos 53 angka 2.

Pawos : 53.

Munggah Ring Bebataran (Pelinggih).

1. Sejawaning Pemangku sane ngamong, jatma tiros tan wenang munggah ring bebataran yan tan polih panugrahan ring iparajuru Desa.
2. Yan wentan jatma murug ring ajeng pawos 52,53 keni jatma ika kedanda/ meprayascita agung alit manut pararem kalihderesta sastra agama.

Pawos : 54.

Khayangan Kehanan Durmangala.

Khayangan kehanan Durmangala luwire :

- a. Kesander kilap , ketiben angin, tur pungkat.
- b. Katunuan/ puwun.
- c. Kerubuhan tabu agung.
- d. Katibeng lulut.
- e. Keranjingan pandung.
- f. Keranjingan wong edan.
- g. Keranjingan buron agung.
- h. Kasiratan rah manusa.
- i. Wong masang gama sajeroning Pura.
- j. Jatma sampun maketus, mebacin (meju), mewarih.
- k. Jatma masanggama lanang sami lanang istri sami istri (Baduwaso).
- l. Khayangan umahin tabuan kulit lan sapanunggilan ipun.

Pawos : 55.

Khayangan Kecemerin.

Khayangan kebaos kecemerin mekadi :

- a. Jatma mesalin wastra ring sajeroning Pura.
 - b. Jatma ngetelan toyan susu ring sajeroning Pura.
 - c. Jatma marebat / memisuh ring sajeroning Pura.
 - d. Jatma sirep lanang sareng wadon dados asiki ring sajeroning Pura.
- Yan wenten khayangan kadi ring ajeng, pawos 54,55, yan saking pekardin manusa, wenang jatma ika kadande , meprayascita manut lenging sastra agama, agung alit manut pararem. Yan kedurmangalan kecemerin ring ajeng tan pekardin manusa gumantah saking alam patut upakara ring ajeng ketanggung antuk sang nyungsung.

Pawos : 56.

INDIK RESI YADNYA.

1. Sang pacang mapudgala utawi madui jati sejawaning nunas panu - gran ring sang ngawi wonang (Parisada utawi Kantor Agama) taler patut mesadok ring Bendesa / Klian Desa Adat.
2. Para juru inucap patut nitenin/ nureksa manut kecaping agama mekadi cedangga kalih pelaksanaanyanne mekadi sad atetai, asta dusta lan sapanunggilan ipun, saha nyaksinan upakaran ipun.
3. Sepatute iparajuru patut digelis ngentosin parab sang diniksan ring sehananin ilikita antuk biseka kawikon manut panugrahan natennyane saha kasiaran ring Banjar/ Desanyane.

Palet : 1.

Pawos : 57.

Pemargin Pitra Yadnya Madudonan Mekadi ring sor :

1. Makingsan ring ibu pertiwi utawi ring ageni, selaminnye nutupan prebiya, make cihna patut ngaturang ring sanghyang Prajamati upakarannya manut lenging sastra agama.
2. Atiwa- tiwa wiyadin ngaben, Sane wenang abenan jatma padem sesampune maketus untu.
3. Ngaben ngelungah sane wenang keabenan ngelungah jatma padem sampun medal marupa manusa.
4. Jatma alitvwawu medal jantos sedurung makupak patut ngelungah.
5. Sane seda sesampunne makupak dados keabenan saha ngasti wedana.

Pawos : 58.

Swa Darmaning Sang Kehanan Kematian.

1. Sang keduhkitan kehanan kematian patut nyadokan ring iparajuru Banjar/ Desa, Saha nguningayang dinane kapuputan kalih pemarginne punapi mapendem/ keabenan.
2. Swadarmaning Banjar.
Iparajuru patut nibakang nepak kulkul, manut pawos 22 angka 5 maka cihna warga Banjar wenten seda.
3. Penyanggeran Banjare selanturnyane kadi ring sor :
 - a. Suwang-suwang ikrama nedunin tur ngamedalang patus suwang-suwang agung alit manut pararem. Siosan ring Pemangku Kha - yangan Tiga. Asapunika taler perade lantur keabenan.
 - b. Kerama Banjar lanang istri mekarya manut deresta miwah ngusung sawa ika ngerombo rikalaning pengutangan.
 - c. Busana ikrama sane lanang mewastra tur masenteng (Adat ringan) asapunika taler sane istri mewastra tur maanteng.
 - d. Pemargin sawane miwah upakaranne mangde dadah antar tan kalugra megeguyangan/ ngarap.

Pawos : 58.

Penarqin Mendem utawi Ngeseng.

ngarutin dewasa, kalih tan wenang kadi ring sor :

1. Tan Medang , semut sedulur, gotongan, perewani, tilem, Purnama, nyandung, makirim wangke, ngutang tiga sepisan ring setra asiki rerainan jagat, rikalaning pidolan Ida Betara kantun ngadeg.

Pawos : 59.

Ngelankar Watang.

1. Yan wenten makutang ngemarginin margi asiki, dina tunggal tan wenang sane ukuran ngalintangin sane dumunan, patut sane dumunan/ nampekan setra, memargi dumunan. .
2. Yan wenten jatma murug kadi ring ajeng pawos 80 angka 1 patut jatma ika kedanda agung/alit manut pararem kalih sastra agama.

Pawos : 61.

Sane Tan Wenang Inepan Kalih tan Keni larangan pawos 59.

Angka : 1.

1. Anak alit dereng maketus.
2. Sawa ngadut rare/ beling tan wenang nanem ngurugin, kalih ngeseng sane dereng bobotanne medal patut pasah.
3. Sang keni pinungkan ila kalih pinungkan ngelalah mekadi kolera lan sapanunggilannipun.
4. Rikalaning jagat keni gerutug.

Pawos : 62.

Penanjung Batu.

Yan wenten jatma tiros metanem/ ngeseng ring setra Sedang patut keni pananjung batu agung/alit manut pararem.

Pawos : 63.

Tata Kertaning Ring Setra.

1. Rikala ngendag, tan wenang makta tanah setra ke Desa pekraman.
2. Tan wenang mekarya undung-undung gumanti (kuburan permanen).
3. Tan wenang nginapang bambang.
4. Tan wenang nanem/ nunjel tiga sepisan (arahina) ring setra asiki. Yan wenten murub kadi ring ajeng keni danda agung/alit manut pararem kalih manut lenggah sastra agama.

Pawos : 64.

Ngulah Pati Salah Pati.

Ngulah Pati Salah Pati kasuksara trimanggalaning yadnya mekadi sang neruwenang karya iparajuru Desa/ krama, pemekas sang muputan sane keanggehang.

Pawos : 65.

PENGABENAN.

Pengabenan wiyadin atiwa-tiwa wenten polihpawos bebacakan ipun mekadi :

- a. Sawa preteka.
- b. Sawa wedana.

Keterangan :

- a. Sawa Peeteka teges ipun mengreka sawa/ taulan.
- b. Sawa Wedana teges ipun sawa kesesian, sawa ngangge awak-awakan mekadi awak-awakan cendana, maje gau, awak-awakan payuk mekadi suwasta prenawa lan sapanunggilan ipun.

Pawos : 66.

Urutan Pemargin Pengabenan.

1. Pemargin pengabenan urutan ipun mekadi ring sor :
 - a. Ngaben alit (tan ngangge bebangkit).
 - b. Ngaben Madya seageng-ageng ipun ngangge bebangkit tiga.
 - c. Ngaben agung ngangge bebangkit lintangin ring tiga.
2. Ngaben Alit pemargine patut ring setrane puput ngangge tirta kewanten tan nuwur sang Sulinggih upakaran ipun nganutin kecapin Yama Tatwa, suwen ipun masenger kalih uku saking dinane lampus.
3. Ngaben Madya suwen ipun masenger tigang uku saking dinane lampus.
4. Ngaben Agung, wenang nyekah layon suwen ipun atahun, ngance dewasa lan sapanunggilan ipun.

Pawos : 67.

Darmaning Krama Banjar.

Darmaning Krama Banjar rikalaning ngamong pengabenan manut pawos 65 angka 1,2,3,4 kedadab sejeronin awig-awig kalih pararem Banjare suwang-suwang.

Palet : 1.

Pawos : 68.

INDIK MANUSA YADNYA.

1. Manusa yadnya inggih punika upacara wiyadin Upakara darmaning manusa ngawit saking patemoning kame petak kelawan kame bang - sajeroning garba utawi ring waduk ibiyang ngantos lampus riwekas.

2. Upacara lan Upakara kadi ring ajeng medudonan kadi ring sor :
 - a. Magedong-gedongan duk pengerempinian ibiyang, bobotan mayusa tigang sasih jantos petang sasih.
 - b. Duk sang kame reka wawu embas.
 - c. Kepus udel.
 - d. Ngelepas aon disampune mayusa 12 rahina.
 - e. Akambuhan yusa 42 dina (Awulan pitung dina).
 - f. Tigang sasih .
 - g. Awetuwang : risampune rarene sampun mayusa enam sasih.
 - h. Ngempugin rikala sampun tumbuh untu.
 - i. Munggah daha/ teruna : mecihna yan lanang sampun ngembakin yan istri sampun ngeraja suwala.
 - j. Metatah/ mepandes.
 - k. Mawiwaha/ medengen- dengen ring grahastana.
 - l. Mawinten utawi maeka jati lan sapanunggilan ipun.
3. Upacara lan Upakara inucap nista madya utama manut kawentenan sang manggalannang yadnya kalih sastra agama lan deresta.

Palet : 1.

Pawos : 69.

INDIK BUTA YADNYA.

1. Indik Buta yadnya punika upacara/ upakara meyadnya ring sang buta kala. Buta Yadnya punika ketah kebaos mecaru.
2. Buta Yadnya punika ketah kebaos mecaru.
3. Pecaruan inucap : nista , madya, utama, manut kawigunan kadi ring sor :
 - a. Mesaiban (ngejot) nyaberan seuwuse ngerateng.
 - b. Ekasata
 - c. Panca sata.
 - d. Panca kelud.
 - e. Resi Gana
 - f. Panca Sanak
 - g. Tawur kesanga lan sapanunggilan ipun.

Pawos : 70.

Tawur Kesanga.

1. Tawur Kesanga punika wenten kaitan ipun ring penyepian. Dadudonan ipun kadi ring sor :
 - a. Yan tan wenten paetangan tiis tigang rahina sedereng Penyepian patut Melis (Melasti) peretima/ perelingga kasuciang kesegara wiyadin ring genah pabijian wus punika Ida Betara nyejer ring Balai Agung.
 - b. Benjangne Ida Betara kantun nyejer ring Balai Agung.
 - c. Ring Tilem sasih kesanga kawentenan pecaruan ring perempatan Agung, ring suwang- suwang Banjar tur kawentenan pecaruan alit ring pamahan manut sastra agama.

- d. Ring tanggal apisan sasih kadasa kawentenan Penyepian, daging penyepian kadi ring sor :
1. Amati geni, tan kengin meapi-api sejawaning anak maduwe anak alit. (matepetin rare) dereng tigang sasih ring genah umah inucap.
 - Sang matepetin anak sungken ring genahe sang sungken.
 - Sang maduwe layon ring genah inucap.
 2. Amati Karya, tan wenang menyambut karya.
 3. Amati Lampah, tan wenang melelungan sejawanin pecalang, (Parajuru tur mangda mececirin wiyadin ilikita).
 4. Amati Lelanguan, tan kengin ngawentenan tontonan (unen-unen). kalih tetabuhan asapunika taler jajuden.
2. Parade wenten murug keni kedanda agung/ lungsum manut pararem.
3. Ring wus rahina Nyepi (berjangne) kawentenan ngembak.

SARGA V.

SUKERTA TATA PAWONGAN.

Palet : 1.

Pawos : 71

PAWIWAHAN.

1. Pawiwahan inggih punika patemuning purusa lawan peredana sekalan ipun panunggalan kayun suka cita saha widi widana manut sastra agama.
2. Pemargin/ pelaksanan pawiwahan kadi ring sor :
 - a. Pepadikan kemenggala antuk pakrunan riyin.
 - b. Ngerorod/ ngerangkat pengembile riyinan, wawu ketut antuk pakrunan.
 - c. Nyeburin utawi nyentana risampune ketegepin upacara lan Upakara.
3. Padabdab pang pacang merabian patut :
 - a. Nganutin yusa mekadi sampun daha/ teruna.
 - b. Sangkanan pada sami pada rena.
 - c. Parade pengambile siosan agama kemenggala antuk banten penyambutan lan meprayascita.
4. Pemargin perabian inucap mangda nganutin Undang-Undang No.1 Tahun 1974 PP No.9/1975 Pasuara Gubernur Propinsi Bali.
5. Yan wenten daha sinabih tunggil merabian ketiosan Desa ritat kala pemuput bebawosan ngerinanin indik perabian punika, patut kesaksinin antuk Iparajuru Desa Adat lan Dinas. Sang sane - ngambil patut naur pasuaran gendongan gung arta Rp.5.000,00

Pawos : 72.

Pengambilan Miwah Sanggama Tan Patut.

1. Pengambilan lan pasenggaman tan kepatutan ring Desa Sedang luwire :
 - a. Ngambil sakeng pepaksaan.
 - b. Gamia , merabi/ masanggama sareng semeton sodet , semeton kowalon ring aji/ biyang, pekak/dadong. Rerama dinyama luh/ muani waris kenceng (Purusa).
 - c. Gamia gumana masanggama sareng sato.
 - d. Baduwasa, masenggama sami muani, luh sami luh.
2. Yan wenten jatma melaksana kadi ring ajeng pawos 72, a, b, c, d, jatma ika wenang kepalasang tur kedanda merayascita manut sastra agama agung/alit manut pararem.

Pawos : 73.

Anaking Setrilanji/ Panak Babinjat.

1. Yan wenten jatma mobot/ beling, tan wenten sane ngangkenin bobot punika, asapunika taler bobot/beling tan pawidi wedana/ pawiwahan raris medal rare punika, kewastanin anaking Setrilanji/ panak babinjat.
2. Yan wenten kadi ring ajeng mangde keutsahang antuk keluargannya kadi ring sor :
 - a. Mangde wenten memeras/ ngangge pianak rare ika tur keprayascita rare kalih biyang ipun.
 - b. Prade tan wenten sane meras/ ngangge pianak wenang pianak kalih biyangnye meprayascita agung/alit manut sastra agama.
 - c. Rikalaning memeras kalih meprayascita mangde kesaksinin antuk prejuru adat lan dinas.
3. Yan wenten jatma nganutan kadi pawos 73 angka 1,2, rare kalih biyang/ memenne tan wenang ngeranjing ke Pura mekadi penyungsungan jagat Desa Sedang. Yan murug wong ika wenang merayascita khayangan ika agung/alit manut deresta kalih sastra agama.

Pawos : 74.

Manak Buncing.

- Yan wenten jatma ngamedalan pianak kembar lanang istri pe - margine kadi ring sor :
- a. Yan meari-ari asiki ipun meawak tunggal.
 - b. Yan sane istri meari-ari ipun meawak istri, asapunika taler yan sane lanang meari-ari ipun meawak lanang tan ngeletehin jagat.
 - c. Yan pada meari-ari nanging metu maeletan sewiji tunggal juga ngarannya.
 - d. Yan metu sedina same mawe ari-ari sang setri rumahun, lanang pungkuran buncing ngaran, (ngeletehin gumi) patut kawentenan upakara Desa manut sastra agama katanggung antuk ikrama desa, sang neruwenang pianak patut ngupakara ring paumahan ipun manut

sastra agama.

- e. Yan metu sedina same mawe ari-ari, kang lanang metu remuhun, kang istri ungkuran silih asih aran, tan ngeletahin jagat/ kebawos becik, ngawe buana ayu ring sor luhur. Jatma inucap patut sesampune 42 dina keupakara antuk sesayut tulus ayu, sesayut dirgayusa, sesayut pageh tuwuh, muah nrayascita.
- f. Yan langkungan ring kekalih mangde keanutang ring sastra, agama manut lontar manusa kerti buda kecapi.

Pawos : 75.

Pawiwahan Manggeh Sah.

1. Pawiwahan manggeh sah maka cihna trisaksi mekadi :
 - a. Dewa saksi, widi widana keatur ring sanghyang widhi.
 - b. Buta saksi, widhi widana ring sang butha kala (mekalan-kalan).
 - c. Manusa saksi kesaksinin ring kula warga pamekas ring para-juru tur kaunggahang sajeroning ilikita tur kautsahang ring ngawi wenang, Perbekel lan Camat.
2. Indike ring ajeng patut nawur prebiya agung/alit manut pararem.
3. Upakaran ipun manut sastra agama kalih desa kala patra agung/alit manut kawentenan sang manggalaning yadnya.

Pawos : 76.

Pawiwahan Silih Tunggil Tan Rauh.

Rikalaning kemargiang/ dina pawiwahan tan rauh silih tunggil seantukan wenten karya mabuat pisan mekadi wenten ring dure negara, ring payudan miwah sane sios-siosan. Mungguhing pawiwahan punika wenang kelanturang/ keesahang nanging mangde wenten ilikita/ caciren sakeng sane tan rauh kalaning natab widi widana wenang sane tan rauh kagentosin antuk pangangge mekadi yan sane lanang tan rauh patut kegentos antuk pangangge lanang, asapunika yan sane istri tan rauh patut kegentosin antuk pangangge istri.

Pawos : 77.

Asuwamundung Lan Alangkahe Karang Ulu.

Asuwamundung lan alangkahe karang ulu tan kebawos nanging tan ngirangin yan perade manah ipun pacang ngemargiang upakara mepati wangi.

Pawos : 78.

Tata Cara Perabian Nganutin Papingangan.

Yan papingangan pengambilne, pemargine patut dadudonnanye manut kadi ring sor :

- a. pinih riyyin sang daha patut kearsayang/ kepadik antuk reraman/ kulawarga sang taruna.
- b. Ring sampune puput bebawosan, sampun sami adung pemekas sang daha kelawan sang taruna, patut sang daha keaturin paweweh marena ali-ali, miwah sane sios-siosan manut dresta make cihna sang daha punika sampun magagelan. Munggubing bebaktan rikala memadik make cihna makeruna, canang/ base, malunggahan, jambe/ buah marencan muah sane lian- lianan manut dresta.
- c. Ring dina pengambilne irika patut sang daha mepamit ring pemerajan/ sanggah kalih ring aji/ biyangnyane, sang neruwenang daha mesadok ring ipara juru Desa pinaka saksi, tur nyuwarayang kantong manut pawos 22 angka 7, maka cihna sang daha sampun puput pangaskaran pawiwahan kalih sampun matilar saking paumahan-nya, indik makta jauman wenang ring dina pengambilanne kalih wenang sekama-kama risampun pengambilanne.

Pawos : 79.

Tata Cara Merabian Nganutin Ngelayat/Ngerorod.

1. Yan ngelayat/ ngerorod pengambile, sang daha keengkebang/ reramannyane komalingin sang daha kegenahang siosan desa, tur raris keetutang antuk pemargi kadi ring sor :
 - a. Lumaku.
 - b. Makruna.
 - c. Ngeluku.
2. Pemargine lumaku sekirang- kirang ipun 24 jam serahina mesadok ring ipara juru ring genah sang daha keengkeban.
3. Bebaktan sang lumaku patut mahcina antuk suwar/ lampu.
4. Pemargin makruna kalih ngeluku dinanne kepastiang ring sang neruwenang daha.
5. Sang neruwenang daha yan tan cumpu, wenang ngawentenang panuriksa tur kesaksinin ring ipara juru Desa wiyadin dinas.
6. Yan macihna pengambile pepaksan/ tan gumanti, sami lila, wenang kepalasang.
7. Ring dina pawiwahan pemarginne pateh kadi ring pawos 78 angka 6.

Pawos : 80.

Tata Caraning Perabian Nyeburin.

Yan pengambile nyeburin pemargine kadi ring sor :

- a. Rikalaning ngeluku patut bebawosanne adung saking reraman sang daha kalih reraman sang taruna.

- b. Genah patut pawiwahan ring genah /jeroan sang daha tur kesaksinin ring iparajuru miwah kesiaran ring ikrama Banjar saha suaran kulkul manut pawos 22 angka 7 kalih keunggahang ring ilikita.
- c. Makta jauman ring genah /umah sang teruna kesaksinin ring iparajuru Desa.
- d. Jatma sane nyentana/ nyeburin patut kaselehan purusa/peredana lan soroh.
- e. Yan tan wenten malih mekadi ring ajeng dados ngerereh siosan sakewanten tan dados makta sanggah kawitan/ merajan kawitan.

Palet : 2.

Pawos : 81.

INDIK NYAPIAN.

1. Pawiwahan peresida kawususan mejalarang palas.
2. Wus makurenan riantukan silih tunggil lampus,kebawos balu.
3. Palas merabian wenten sangkaning sami lila, utawi mawiwit wicara kebawos nyapian.
4. Sang ayat palas merabian patut atur supekta ring sang rumawos/ pengadilan Negeri, wastu tuntas apadang lantur iparajuru - nyiaran ring Banjar/ Desa saha suaran kulkul manut angka 22 Pawos 22 angka 7.

Pawos : 82.

Tata Caraning Palas Merabian.

1. Sulur palas merabian parade sinalih tunggil, anasar laku matilar tan pesadok jantos atahun uwak parusiya, asta cepala, tan peresida adung malih.
2. Yening wicarane katumfusang antuk lanangne, patut macihna sang istri :
 - a. Paradara utawi logika sang graha.
 - b. Amandel sanggama meambul-ambulan jantos enem sasih.
3. Yening wicara katumfusang antuk wadon macihna :
 - a. Dratikrama.
 - b. Wandu.
 - c. Tan nyenggamin saha tan nguwehin pengupajiwa suwennye ngantos enem sasih.
4. Parade wicarane macihna ring ajeng, saha kakukuhang antuk saksi bukti, ilikita, perabiyenne kengin kepalasan, yan sampun makekalih sami cumpu.
5. Yan wenten palas merabian, mejalaran sami lila sakeng wicara kaputusan sang rumawos wenang sang palas ika mesam-sam beras kuning ngelung jinah bolong ring bale agung, kesaksinin antuk iparajuru Desa peresida ipun mawali dados daha/teruna.

Pawos : 83.

Kebo Nguluwin Kandang.

1. Yan wenten jatma palas merabian saha sampun ilikita mewali ring linggihnyane mawit saking pada lila saha wenten pesadok ring iparajuru Dinas tur kesaksiang antuk ikrama Banjar.
2. Yan wenten jatma merabian meambul-abulan mawiwit saking biota kantos mewali kelinggihnyane jantos suwennyane 42 dina yan sinalih tunggil tan wenten pesadok ring iparajuru patut keni kedanda gung arta 225 kepeng jinah bolong tur ketawur ring paruman Desa Adat. Nanging yan sampun wenten ilikitanipun tur wicaranipun sampun ring sang tangan rumawos/Pemerintah sang sane nampi dunungan tan keni pamidanda.

Pawos : 84.

Palas Adung Malih.

1. Yan wenten palas merabian macihna adung malih patut ngawitin malih ngelaksanayang widi widana/ pawiwahan.
2. Yan wenten kadi ring ajeng angka 1 keni kedanda ngewalinin suaran kulkul agung alit arta 225 jinah bolong.

Pawos : 85.

Suw darmaning Balu.

1. Suwang-suwang balu manut kawongannya, kabinayan dados :
 - a. Balu istri uwit saking sentana rajeg.
 - b. Balu lanang kapurusan miwah balu lanang nyeburin utawi balu boya sentana.
2. Suwedarmaning balu inucap patut :
 - a. Ngemanggehang pati brata, tan kengin paradara utawi drati krama.
 - b. Nguwasayang waris, guna kaya tan kengin ngadol, ngadiang, mekidihang sejawaning polih kebebasan saking pianak utawi kula warga kapurusan.
 - c. Kengin ngangkat sentana parade sampun wenten pedadab sa - durung sibalih tunggil lampus saha kebebasan antuk kulawargan pinih tampek.
 - d. Kewanengan mawiwaha malih parade sampun polih kebebasan saking panak daha/ taruna utawi kulawarga kapurusan.

Pawos : 86.

Balu Tan Pageh.

1. Balu kebawos tan pageh luwire :
 - a. Sangkaning melaksana drati krama utawi paradara.
 - b. Matilar saking paumahan tan pasadok jantos enam sasih.
 - c. Memanah ngadol, ngadiang, makidihang druwe/(waris) tan polih kebebasan saking waris pinih tampek.
2. Yan macihna kadi ring ajeng balu inucap tan polih upon-upon waris kalih wenang katundung saking genahnye.

Pawos : 87.

Balu Sentana Rajeg.

1. Sane kebawos balu sentana rajeg luwire :
 - a. Mawiwit saking pakurennya keceburin kengin ipun meraga muani.
 - b. Kemulan ipun sentana purusa.
2. Balu sane munggah ring kadi ring ajeng sub. a,b tan keni pasuara ring pawos 86 a,b,c.

Palet : 3

Pawos : 88.

INDIK SENTANA.

1. ~~Mangguing~~ sentana rajeg wenten kaucap sentana rajeg miwah sentana peperasan.
2. Perade perabiannye tan ngewetuang sentana kengin ngidih ~~sentana~~ antuk upakara sekala niskala kewastanin peperasan pawos 89.

Pawos : 89.

Ngangkat Sentana.

1. Ngangkat ~~sentana~~ manut dadudonan patut mahcina, antuk widi widana ilikita saksi sane pinaka saksi parajuru Desa Adat , Dinas lan kulawarga.
2. Sane mepekayun ngidih sentana patut sekirang-kirang ipun enam sasih sedereng dinane kaperas patut masadok ring para juru adat lan Dinas.
3. Iparajuru patut ~~numusan~~ ring sang yoga mekadi Kepala Desa/ Lurah tur nyiarang ring wewidangannye.

Pawos : 90.

Paperasan Sinanggeh Syah.

- Paperasan sinanggeh syah risampune makecihna kadi ring sor :
- a. Nenten wenten sane nyangkutin.
 - b. Widi Widana/ upakara.
 - c. Kesaksinin antuk sameton pinih tampek saking sang keperas lan sang memeras kalih parajuru Desa lan Dinas, saha kesiaran ring paruman.

Pawos : 91.

Sane Patut Kaperas.

sane patut kaperas anggon sentana luwire :

- a. Jatma meagama Hindu.
- b. Kule warga sakeng purusa, yan tan wenten kengin saking wadu,
- b. parade tan wenten kengin saking sekita ~~Karep~~
- c. Kengin ngangkat sentana langkungan ring adiri.

Pawos : 92.

Indik Warisan.

Sane kebawos warisan inggih punika tetamian sane marupa :

luwire :

- a. Druwe tengah.
- b. Karang kedi, tegal miwah carik.
- c. PKD (pekarangan Desa)boye waris.)
- d. Artha Berane.
- e. Pemerajan, dadiya miwah pura lan sapenunggilan ipun.
- f. Paguna kayā, tetadan/ jiwa dana, hutang piutang, lan sapanunggilan ipun.

Pawos : 93.

Sane Ketawos Ahli Waris.

Sane kebawos ahli waris luwire :

- a. Perti sentana saking purusa / wadon, rajeg peperasan.
- b. Turunan purusa pernah ngunggahang mekadi rerama dinyama, misan, mindon.
- c. Turunan purusa pernah kesamping : mekadi : keponakan, misan, mindon.

Pawos : 94.

Darmaning Waris.

1. Nerima sahe ngutsahayang tetamian sakeng kule wargannye.
2. Ngabenan ngelantur ngatma wedana/ nyekah sane sang kewarisin.
3. Nawur / nampi hutang piutang lan sapenunggilan ipun.

Pawos : 95.

Wewarisan Sane Tan Dados Pah/ Kedum Wiyadin Keadol.

1. Merajan/ sanggah.
2. Pustaka mekadi : keris, tumbak, lontar / cakepan, lan sape - nunggilan ipun.
3. Sane patut ngerasa/ ngupekara wantah sentana sane ngamong karang / ayah ngarep.

Palet : 1.
WICARA LAN PAMIDANDA.

Pawos : 96.

INDIK WICARA.

1. Sane wenang mawosin wicara ring Desa Sedang kewastaning kerta Desa kewangun antuk luwire :
 - a. Kelian Banjar Adat pinaka penua, parade wenten wicara patunggilan Banjar.
 - b. Kelian Desa/ Bendesa Adat pinaka penawa parade wenten wicara patunggilan Desa.
2. Kelian Desa wiyadin Kelian Banjar Adat mawosin wicara patut kesanggra antuk para juru Desa.
3. Penyanggra ring ajeng kasudi antuk Kelian Desa Adat/Banjar Adat.
4. Parade sang mawicara tan cumpu ring panepas Kelian Desa/ Kelian Banjar Adat kengin numuseng ring sang rumawos.
5. Wicara sane kebawosin/ Kelian Banjar Adat/ Kelian Desa nungkasin daging awig-awig kalih pararem.
6. Nepasan wicara kaangge uger-uger tri pramana (cihna , bukti, keterangan) tur nepek ring catur dresta- miwah sastra agama.

Pawos : 97.

Indik Pamidanda.

1. Bebacakan pamidanda sane kemanggehang tri danda luwire :
 - a. Arta danda teges ipun kedanda antuk jinah.
 - b. Dewa danda teges ipun kedanda antuk pangaskaran/bebanten.
 - c. Jiwa danda teges ipun kedanda antuk kesepekan ring Banjar Desa wiyadin kepatutan ipun nunas pangempura.
2. Jiwa utawi arta berana pami dandannye dados druwen Banjar / Desa.

Pawos : 98.

Lintangan Ring Panumaya.

1. Rikala pewanengan ngemedalan jinah mekadi : papeson, ang - suran lan sapanunggilan ipun, yening sampun lintangin ring panumaya keni danda manut pararem.
2. Ring sampune keni panikelan mewaneng malih asangkepan taler tan naur wenang ketampag manut tata cara kadi ring sor :
 - a. Ngemargwang rerampagan iparajuru, ngemiletah ring ikrama Banjar/ Desa.
 - b. Sane kerampag pinih riyin : merupa ubuh-ubuhan mekadi : ayam, celeng, sampi, tanem tuwuh, wala lan sapanunggilan ipun.

- c. Yan prade kirang, wenang malih prabot/ pelinggihan mekadi : timpas, kendik, lan sapenunggilan ipun, pelinggihan mekadi : sepeda, sepeda motor lan sapenunggilan ipun.
 - d. Yan prade kirang wenang malih kekayonan sane mentik ring pa -- karangan kalih ring penegalanne druwen ipun.
 - e. Yan prade kirang wenang malih bale/ kekubon.
3. Para juru mekadi Kelian Desa/ Kelian Banjar Adat mangda me - sengkenan sehaning sane kerampag mangda ketebus sajeroning pitung rahina saking dinane kerampag wiyadin awuku.
 4. Yan sampun lintangan ring panumaya, sehaning sane kerampag patut keadol tur kewentenan penawahan ring ajeng Banjar/Desa.
 5. Penawahan sane kerajegan wantah penawahan sane pinih ageng.
 6. Yan prade barang- barang ipun langkungan durus ring hutang ipun, patut jinah sane langkungan ketiba ring sang madruwe barang.

Pawos : 99.

Sane Tan Dados Kerampag.

Sane tan dados kerampag luwire :

- a. Prabot paon mekadi : payok, gebeh, lan sapenunggilan ipun.
- b. Prabot kesawah mekadi : tambah, tenggala, lan sapenunggilan ipun.
- c. Bale yan ipun madruwe bale abungkul.
- d. Mrajan kalih penganggan mrajan, lan sapenunggilan ipun.
- e. Pustaka mekadi : keris, tumbak, lontar/ cakepan lan sapenung - giliran ipun.

SARGA : VI.

NGUWAH - NGUWUHIN AWIG-AWIG.

Palet : 1.

Pawos : 100.

Nguwah - nguwhin awig-awig.

1. Nguwah - nguwhin awig-awig, kemargiang antuk paruman Agung manut pawos : 25 angka 2.
2. Pemutus bebawosan mangda kautsahayang wetu saking pekayun gilik saguluk.


Pawos : 101.


P E N U T U P.


1. Awig-awig puniki kemanggehang sejeroning Desa Sedang.
2. Sakeluwiring sane dereng keunggahang, sejeroning awig-awig puniki patut kelaksanayang manut tata cara sane sampun ketah memargi.
3. Awig-awig puniki sampun kasungkemin ring rahina Anggara, Keliwon, Wuku Tambir, Penanggal Ping 7, Sasih 9 (Kesanga) Içaka 1913 wiyadin tanggal 11 Pebroari 1992, make pangentos awig-awig Desa Sedang macecihren ring rahina Soma, Wuku Kuningan, Sasih 7 (Kepitu) Penanggal ping 5 Içaka 1898 wiyadin 10 Januari 1977. Tur kacacihren antuk .


Sedang, 11 Pebroari 1992.
 Keliwan Desa Adat Sedang,



 Keliwan Banjar Adat Sigaran,


 1. Keliwan Banjar Adat Sedang,


 Keliwan Banjar Adat Aseman,


 3. Keliwan Banjar Adat Kuripan,



 Keliwan Banjar Adat Rath,



 5. Keliwan Banjar Adat Tengah,


(I GST. NGR. KT. TANTRA)


(I GST. NGR. KT. TANTRA)

Awig-awig puniki sampun katureksa tur sampun kacumpu antuk :


2. Kepala Dusun/Klian Dinas
 Sigaran,

 (I. WIYOMBA MERTA)


1. Kepala Dusun/Klian Dinas
 Sedang,

 (I. WYAN SAMI)

3. Kepala Dusun/Klian Dinas
 Aseman,

 (I. DEWA PUTU GEDE WEDANA)


KEPALA Desa Sedang,

(I WAYAN ABERA)

Ketua BPPLA Kecamatan Abiansemal,


(IDA BAGUS MAYUN)

Pjs. Camat Abiansemal,

(I KETUT KASTAWAN, BA)
NIP : 600005232.

Mengetahui dan telah dicatatkan

BUPATI, KEPALA DAERAH TK. II BADUNG,

(G. B. ALIT PUTRA)

Sang sane munggah ring sor Puniki wantah kasudi sakeng
 ikrama Desa pinake wakil ngerinci kalih nyusun awig-awig Puniki
 tur kesanggra, antuk IDA BAGUS MAYUN Pinaka Ketua BPPLA/Badan
 Pembina Pelaksana Lembaga Adat Kecamatan Abiansemal.

No.	N a m a	! Alamat	! Keterangan
1.	! I GUSTI KETUT JAYA	! Br. Aseman	! Kelian Desa Adat.
2.	! I WAYAN ABERA	! Br. Sedang	! Kepala Desa Sedang.
3.	! I KETUT SEREP	! Br. Sigaran	! Penyanggra.
4.	! I GST.NGR. SWARYANA	! Br. Aseman	! Penyanggra.
5.	! I NYOMAN SUJANA	! Br. Sedang	! Klian Br. Adat Sedang.
6.	! Drs. I GST.NGR. ARDANA	! Br. Sedang	! Penyanggra.
7.	! I WAYAN SAMI	! Br. Sedang	! Radus . Sedang.
8.	! NI NYOMAN TJATERI	! Br. Sedang	! Penyanggra.
9.	! I NYOMAN SODA	! Br. Sedang	! Mangku Melanting.
10.	! I KETUT PURNA	! Br. Sedang	! Penyanggra.
11.	! I MADE PUGEG	! Br. Sedang	! Penyanggra.
12.	! I MADE BAWA	! Br. Sedang	! Penyanggra.
13.	! I MADE GELOMOH	! Br. Sedang	! Penyanggra.
14.	! I MADE SUBUR	! Br. Sedang	! Kelian Peletan P. Puseh.
15.	! I PUTU GEDE SUPARTA	! Br. Sedang	! Penyanggra.
16.	! I WAYAN WIJA, BA	! Br. Aseman	! Kelian Br. Adat Aseman
17.	! I KETUT RAKA ASTAWA	! Br. Sedang	! Mangku Desa.
18.	! I NYOMAN PATRIYASA	! Br. Sigaran	! Sekretaris Desa.
19.	! NI NYOMAN TAMAN	! Br. Sigaran	! Penyanggra.
20.	! IDA BGS.GD. JANURAGA	! Br. Sigaran	! Penyanggra.
21.	! IDA BGS.ALIT MUSTAKIM	! Br. Sigaran	! Penyanggra.
22.	! I NYOMAN MERTA	! Br. Sigaran	! Kadus. Sigaran.
23.	! I WAYAN ANGKER	! Br. Sigaran	! Penyanggra.
24.	! I WAYAN GUBAR	! Br. Sigaran	! Penyanggra.
25.	! I KETUT MARSA	! Br. Sigaran	! Penyanggra.
26.	! I WAYAN GATERI	! Br. Sigaran	! Penyanggra.
27.	! I WAYAN RENOA	! Br. Sigaran	! Klian Br. Adat Sigaran.
28.	! I MADE RINES	! Br. Sigaran	! Penyanggra.
29.	! I MADE SUDARTA YASA	! Br. Sigaran	! Penyanggra.
30.	! Drs. I WAYAN GUDIRAWAN	! Br. Sigaran	! Penyanggra.
31.	! IDA BGS.MADE TANTRA	! Br. Sedang	! Penyanggra.
32.	! Drs. I GST.NGR.TINGGALIANA	! Br. Aseman	! Penyanggra.
33.	! NI MADE SARNIATHI	! Br. Sigaran	! Penyanggra.
34.	! Drs. IGST.PT.RAI PRAMITA	! Br. Aseman	! Penyanggra.
35.	! I GST.AG.NGR.KOTHA	! Br. Aseman	! Penyanggra.
36.	! I DEWA PT.GDE WEDANA	! Br. Aseman	! Kadus Aseman.

37.

Nomor	Nama	Alamat	Keterangan
37.	I NYOMAN GANTI	Br. Aseman	Kelian Peletan Pura Desa.
38.	I MADE SUKA	Br. Aseman	Kelian Br. Adat Tengah
39.	I GST.NGR.KT.TANTRA	Br. Aseman	Kelian Br. Adat Ratih
40.	I KETUT KAPRI	Br. Sigaran	Kelian Peletan Pura Dalem
41.	I GUSTI NGURAH GENDRA	Br. Aseman	Wakil Kelian Desa Adat Sedang.
42.	I WAYAN ASTAWA	Br. Sedang	Penyanggra.
43.	I GST.AG.NGR.SUMERTA	Br. Aseman	Penyanggra.
44.	I KETUT PUPUL	Br. Sedang	Penyanggra.
45.	I MADE BANDEM	Br. Sigaran	Penyanggra.

Sedang, 11 Pebroari 1992

Kelian, Desa Adat Sedang,



(I GUSTI KETUT JAYA)

- Uger- uger sane pinaka dasar nyusun awig-awig puniki :
1. Pedoman penyusunan awig-awig saking Majelis Pembina Lembaga Adat Daerah Tingkat I Bali.
 2. Undang- undang Perkawinan No. 1 Tahun 1974 kalih Peraturan pemerintah No. 9 Tahun 1975.
 3. Catur Deresta.

Daging Keketusan Lontar.

1. Yama Tatwa kalih Ume tatwa.
2. Siwa Tatwa Purana.
3. Roga Sengara tatwa.
4. Kumara tatwa.
5. Widi Pepincatan.
6. Aji Siwa Mendala.
7. Aji Bang Bungalan.
8. Padma Usadi.
9. Buana Tatwa.
10. Aji Jaya Kesunu.
11. Catur Yuga.
12. Widi Sastra.
13. Buana Kerti.
14. Eka Prabama.
15. Sundari Gama.
16. Niwah sane sios- siosan.